





# Energie

## ENERGIE 1



Gross grösser am Gröschte  
Wyt wyter am Wytische  
Schnäu schnäuer am Schnäusche - - Doping  
Wäg vom Fänschter - -  
Bis zum nöchschte Mou  
Dick dicker am Dickschte  
Dünn dünner magersüchtig  
Chly chlyner am Chlynschte  
Wenig weniger am Wenigschte  
Vüu meh am Meischte  
Die dümmschte Rede  
Die längwiligschte Wahle  
Der gröschd Schtousee  
Der längscht Tunnu  
Am meischte Schulde  
Am meischte Schadschtoffe  
Die türschte Schtrosse  
S'gröschte Ozonloch  
Die höchshti Zuewachsrate  
S'schnäusche Outo  
Meh Outo  
wenig Parkplätz  
Die höchschte Schtüüre  
Tod töder am tödischte.  
Dumm soudumm hirnos  
Animiert motiviert radikau  
Rächtsradikau liberauradikau linksradikau Terrorischt  
Am meischte Ussländer  
Globalisierig Grössewahnsinnig Zerschtörig totau  
Die gröschte Kanone  
Die schnäusche Flüger  
Meinigsvershideheite, Schtriit, Chrieg  
Am meischte Platz  
S'gröschte Land  
Die gröschte Händöpfu  
Die dümmschte Buure  
Die gröschte Traktore

AUTOR : FRANZ LIECHTI




Die mächtigschte Mähidröscher  
Der gröschd Ärntheufau  
Weni z'Ässe Nüüt z'Ässe Hunger  
Unwouh Chrank Süche  
Die beshti Chrankekasse  
Die höschste Prämie  
S'beschte Börsejohr  
Wenig Gäüt  
Kei Gäüt  
Bankrott  
Arbeitslos  
Die höschti Säubschtmordrate  
Derzueg'höre isch aues  
Vüu mache mit  
Die meischte mache mit  
Die gröschte Dubble  
I bi müed  
I mah nümm  
Fahr ab !  
Verzöu dä Seich amne angere Ort

## Energie 2

Gnue Büetz  
Weniger Lohn weniger Schaffe  
weniger Schtress - -  
Fuhli Cheibe!  
Meh Zyt  
Keis schlächts Gwüsse  
Höcheri Läbesqualität  
Chlyners Agebot  
G'sungi Luft  
Gnue Schlof  
Gnue z'Ässe  
Es Dach überem Chopf  
Kreativität  
Blueme Böim Frücht  
Kei Kunschtschnee  
Weniger Chräbs kei Aids  
Weniger Dökter  
weniger Schpitäler  
Kei Fridhofgärtner  
Weniger Angscht  
Fride

# G/SCHICHTE = CHI/SCHTE

AUTOR : FRANZ LIECHTI



Meh Verschtändnis  
Mitenang  
Zuelose  
Fründe  
Politiker wo nid Lüüge  
Hüng wo nid uf's Trottuar Schisse  
Offni Ouge  
Gnue Sunne  
Gnue Räge  
Gnue vo auem  
Gnue für aui  
Weniger Winter  
Meh Früehlig

